


NAMA I TUPANAXŪTAWA

NAWA

INGUXŪ





©2011 por World Missionary Press, Inc. Cubierta de Edwin B. Wallace. Meryl Esenwein, arte arriba y en paginas 10, 12, 14, 16, 27, 29, 39, 42, 44, 46, 47 y 48.

**Tupana nanaxü ga dauxüguxü i naane rü 1
nhama i naane rü guxüma i nawa maxëxü.**

“Rü noxriarü ügügu rü Tupana nanaxü ga nhama i naane.”
Ügü (Gênesis) 1:1

“Rü Nanexü nixĩ ga namuxü ga Tupana na naxüãxücax ga gux-
üma i tacü i nhuxma ngexmaxü i dauxüguxü i naanewa rü
nhama i naanewa.” Coróchacüãx 1:16

“Rü Tupana i dauxüguxü i naane rü nhama i naanearü üruxü
rü tá pexü narüngüxëẽ. Rü ngema dauxüguxü i naane rü Tupa-
naarü nixĩ, rü ngema nhama i naane rü duüxügüna nanaxã.”
Wijaegü (Salmos) 115:15,16

**Nhama ga naane rü name ga jexguma Tupana jatüna
naxãxgu. ¡Nüxü nadaumatü i nhaa popera na nüxü cucuáx-
ücax na tacü üpetüxü!**

Tupana nanaxü ga jatü.



“Rü jexguma ga Tupana rü nügümaxã nhanagürü: —Ngĩxã ta-
naxü i duüxü na taxrüü naãëxü nacuáxücax rü norü jora jixĩxü-
cax i guxüma —nhanagürü.”

Ügü (Gênesis) 1:26

**Tupana nanaxü ga jatü rü
maxũ nüxna naxã.**

3

“Rü jexguma Tupana naxüxgu ga jatü, rü waixĩmütewa nanaxü. Rü maxũmaxã naráũgu nacue.”

Ügü (Gênesis) 2:7

“Tupana rü nhanagürü: —Rü tama name na nüxica nangexmaxũ ja jatü. Rü ngemacax tá chanaxü i wüxi i namücü na norü ngüxẽẽruũ jixĩxũcax.”

Ügü (Gênesis) 2:18

“Rü Cori ja Tupana rü ngixũ naxü ga wüxi ga nge. Rü nhuxũchi guma yatüxütawa ngixũ naga.”

Ügü (Gênesis) 2:22

Adáũ rü Éba rü tama Tupanaga naxĩnũe.



Tama name na Chatanága ixĩnũexũ.

“Rü Tupana jema naane ga Edéügu namuxgu ga gumá 5
jatü, rü nüxna naxāga na mea nüxna nadauxũcax ga guxũ-
ma Rü nanaxucuxē: —Marü name i cunangõx i guxũma i nhaa
naanewa ngexmaxũ notürü ngema nanetü i cuax i mexũ, rü
cuax i chixexũ nawa ngexmaxũ, rü taxūtáma cunangõx. Erü
ngexguma tá cunangõxgu rü aixcũmaxũchi tá cuju —nhanagürü.”
Ügü (Gênesis) 2:15-17

**Ngema Äxtape i Ngoxo ixixũ rüexna Chataná ixixũ rü
Tupanaxũ nidoraaxũ rü jemaacü nanawomüxē.**

“Rü ga äxtape rü nhanagürü ngxixũ: —Tama aixcuma nixĩ i
ngema. Rü taxūtáma peijue —nhanagürü. Rü ngima ga nge rü
ijacawe ga wüxipü ga norü o rü inangõx rü ngitemaa ingau rü
nüma rü ta nanangõx.”
Ügü (Gênesis) 3:4, 6

Adáũ rü Éba rü marü taxucürüwa jema
nachicawa najexmagüecha.



“Rü jexguma ínataxüchiãguwena rü Edéũmaũgu nanamugü ga
dauxcüãx ga duũxügü ga ixãxpexátüxü, rü jexma nanaxú ta ga
wüxi ga tara ga ijauracüüxü ga guxcüwagu jawexemaãchixü.”

Ügü (Gênesis) 3:24

**Jema ngunexũ ga Adáũ rü Éba nagu chixexũ üexũ 7
rü wüxi ga ngechaũ nixĩ naxcax i guxũma i duũxũgü.**



“Rü wüxitama ga jatügagu nixĩ ga guxũma ga duũxũgüwa
nanguxũ ga pecádu. Rü jemagagu nixĩ ga inaxügüxũ na najuexũ
ga duũxũgü.” Rómacüãx 5:12

Nangexma i tacü i nüxna icuaxãchixũ:

**Guxũma i duũxũgü rü pecádumaa nabue, rü wüxi i ngu-
nexũgu rü tá tajue, erü pecádugagu nixĩ i nangexmaxũ i ju.
(¡Wena nüxũ nadaumatü i Rómacüãx 5:12!)**

8 Tupanaarü inü nixĩ ga Nane ja Cristu núma namuãxũ na tórü pecáduwa tũxũ ínanguxũxẽxũcax.



Rü jema duũxũgütanüwa na nanguxũcax ja Tupana Nane, rü wüxi ga õxchanaãcü ínangu.

“Rü ngima tá ngixũ nangexma i wüxi i ngine rü cuma rü tá Ngechuchugu cunaxüéga erü nüma tá norü pecádu-güwa ínananguxũxẽẽ i norü duũxũgü.”

Matéu 1:21

“Rü guxũma i Tupanaarü pora rü Cristuwa nangexma.”

Coróchacüãx 2:9

**Ngechuchu rü Tupana nixĩ rü
duũxũxũ nügü nixĩxêê.**

9

“Naxũpa ga guxũma, rü marü najexma ga Tupana Nane. Rü Tupanamaxã najexma rü woetama Tupana nixĩ ga nümax. Rü nüma rü narüduũ rü totanüwa najexma, rü toma rü nüxũ tadaugü.”

Juáũ 1:1, 14

“Rü guxũma ga jema orearü ngeruũ nüxũ ixuxũ rü nangupetü —Rü tá ixãxãcü i ngeema nge i taguma jatüxũ cuaxcü. Rü tá najatü rü Emanué tá nixĩ i naéga.”

Matéu 1:22, 23

“Rü taxcax nabu i wüxi i õxchana. Rü nhaagü tá nixĩ i naégagü i namaxã naxugüãxũ: Rü Mecümaxüchicü, rü Ucuxëruũ ja nüxũ cuaxüchicü, rü Tupana ja poraxüchicü, rü Tanatü ja taguma jucü, rü Tupana Nane ja ngüxmüxêêruxũ ixĩcü.”

Ichaía 9:6

10 Ngechuchu ja Cristu rü tórü ãmare ja mecü nixĩ i Tupanapewa.

“Cristu rü taguma pecádu naxü.”

2 Corítiucüãx 5:21

“Nüma ga Cristu rü taguma pecádu naxü.”

1 Pedru 2:22

Nataxuma i to i ãmare i mexũ i nüxũ ijarüngauxũ i nhuxãcü nanaxóxẽe i tórü chixexũ.

“Jerü guma wocagü rü chibugü rü tama naporá na ijanaxóxẽẽãxũcax ga pecádugü.”

Ebréugü 10:4

Ngechuchu nixĩ i Tupanaarü ãmare. “Daa nixĩ ja jimá Tupana núma namucü na najuxũcax na duũxũgüarü pecáduxũ ijanaxóxẽẽxũcax.”

Juáũ 1:29



**Ngechuchu rü inanaxã ga norü maxũ
na tũxũ namaxẽxẽxũcax.**

11

Ngechuchu rü curúchawa najapotagü ga duũxügü jerü nax-chi naxaie. Notürü Tupanaarü ñnü nixĩ ga na Ngechuchu rü norü ngúchaũmaax inaxããxũ ga norü maxũ, rü jemaacü cuxũ rü choxũ ínanguxuchixẽẽ nawa ga chixexügü.

Ngechuchu rü nhanagürü: “Taxúema choxũ tajuxẽẽ, notürü chorü ngúchaũmaatama ichanaxã i chorü maxũ.” Juáũ 10:18

Ngechuchu ja Cristugü nanaxütanü ga tórü pecádugü.

“Jerü tama uiru rüexna diëru i ngauxwaexũmaa nanaxütanü, notürü Cristugümaa nixĩ ga naxütanüãxũ.”

1 Pedru 1:19

**Tataxuma ja toguxe ja taxcax júxe rü tũxna
najaxúxe i tórü pecádu.**

12 “Rü nhuxma rü Tupanapewa time jerü taxcax naju ga Cristu.”


“¡Choxna nacuaxāchi i
ngexguma ãëxgacüxü
ícunguxgux!” Lúca 23:42

Rómacüãx 5:9

Nhaa
ngítaxáxü
rü namaxü
jerü Nge-
chuchuãxü
najaxõ.



“Nhamata-
ma i ngu-
nexügu cha-
maxã cu-
ngexma i
mexëchixü i
naanewa.”
Lúca 23:43



**Nhaa ngí-
taxáxü rü**
inarütaxu
jerü tama
Ngechu-
chuãxü
najaxõ.

“Jexguma ipecáduãxgügu nixĩ ga taxcax najuxü ga Cristu.”
Rómacüãx 5:8

Guxãma ja jíxema Tupana Naneãxũ jaxóxẽ 13
rũ tüxũ nangexma i maxũ.

“Rũ Tupana rü poraãcü nüxũ nangechaũ i nhama i naanecüãx i duũxügü. Rũ jemacax inanamu ga Nane ga nügümaa wüxicacü, na guxãma ja texé ja nüxũ jaxõgüxe rü tama itarütauxexücax rü tüxũ nangexmaxücax i maxũ i taguma gúxũ.”

Juãũ 3:16

“Jerü nüma ga Tupana rü marü Chatanámxêwa tüxũ inanguxüxêê rü Nane ja nüxũ nangechaücumexêwa tüxũ nangexmagüxêê. Rũ guma Nanegagu nixĩ ga tüxũ namaxêxêxũ rü tüxũ nüxũ nangümaxũ ga tórü pecádugü.”

Coróhacüãx 1:13, 14



“Rü jema orearü ngeruü
 rü nhanagürü: —;Táú i
 pemuüexü! Choma nüxü
 chacuax rü naxcax
 pedaugü ja Ngechuchu
 ga guma curúchawa
 japotagüãcü. Nataxuma i
 nua, erü wena namaxü,
 jema nüma üpa pema
 nüxü jaxuxürüxü.”

Matéu 28:5, 6

“Rü chama nixĩ i chamaxũxũ. Rü ũpa rü chaju, notürü i nhuxma rü marü guxũgutáma chamaxeche. Rü chaxmexwa nangexma na nhuxgu tá najuxũ i wüxichigü i duũxũ.” Apocaríchiu 1:18

Marü taxuca_xma i juxũ tamuũẽ erü Cristu rü juxũ narüjexera rü naxmexwa nangexma i ngema.

“Rü ngema i ngunexũ i nagu chamuũxũgu rü chama rü cuxna chacuaxãchi.” Wijaegü (Salmos) 56:3

Ngechuchu rü cuxũ namaxẽẽ rü Nanatüna naca na cuxũ nangũxẽẽxũcax.

“Marü taxuca_xma texé ja togue tingucuchi, erü nüma ja Ngechuchu rü tagutáma naju. Rü aixcuma tüxũ namaxẽẽxũ ja guxãma ja jíxema norü ngũxẽẽmaxã Tupanaxütawa ngugüxe.”

Ebréugü 7:24, 25

16 Cuma rü chama rü tuxũ natauxcha na tuxũ
nangexmaxũ i maxũ i taguma gũxũ.



¿Ngexũrũxũ i nama
jixĩxũ i nagu quixũxũ?

Ngechuchu ja Cristu
nixĩ i nama na Tupanax-
ũtawa cunguxũcax rü
cuxũ nangexmaxũcax i
maxũ i taguma gũxũ.

Ngoxo i Chataná nixĩ i
nama i juwa nadaxũ.

Daa bucü rü nama i maxũ i taguma gũxũwa nadauxũgu nixũ.

“¿Rü nhuxmatama nagu perüxĩnũe na tacürü tupanawe perüxĩxũ!”
Juchué (Josué) 24:15

“¿Ëcü penajaxu i maxũ na pemaxẽxũcax, rü namaxẽxũcax i petaagü!”
Deuterunómiu 30:19

Ngechuchu nixĩ i nama i maxũ i taguma gúxũwa nadaxũ.

“Ngechuchuxicatama nixĩ ja tórü maxẽxẽẽruũ, rü jixicatama nixĩ ga Tupana tũxna namucü na tũxũ namaxẽxẽẽxũcax.”
Puracügü 4:12

“Chaxicatama nixĩ i Cori ja Tupana chixĩxũ, rü chaweama rü nataxuma i to i maxũ pexna ãxũ.”
Ichaía 43:11

1. *Jerü nüma nixĩ ga núma naxüxü.*

“Núma chaxü na chanamaxẽxẽxücax i duüxügü.”

Juáü 10:10

2. *Jerü nüma ga Ngechuchu nixĩ ga tüxü nangechaxüxü rü taxcax najuxü.*

“Rü Tupana Nane nixĩ ga choxü ngechaü-cü, rü nügü inaxãxü na chauxcax najuxü-cax.”

Gáratanezüãx 2:20

Ngechuchu rü nügü narüduü rü taxrüü naxãmachi rü naxãchĩna. “Rü jema norü jumaxã nüxü narüporamae ga Chataná ga

noxri nüxǘ jexmaxǘ ga pora na tüxǘ ijanatauxexêẽx- 19
üçax, rü Chatanámeçewa tüxǘ ínanguxüxêẽxüçax ja
guxãma ja jíxema noxri naxçax muñexe ga na tajuexǘ.”

Ebréugü 2:14,15

3. Ngechuchugüxicatama nixĩ inaxüxüxǘ i tórü chixexǘgü.

“Rü jimá nagüxicatama nixĩ ja maxüwa tüxǘ nguxêẽcü.”

Lebítanüxǘgüchiga (Levitico) 17:11

“Rü Tupana Nane ja Ngechuchu rü nagümaa tüxǘ inaja-
natauxêẽ i guxüma i tórü chixexǘ.” 1 Juáü 1:7

“Rü tüxǘ namaxêẽẽ rü tüxǘ nüxǘ inarüngüma i tórü pe-
cádugü.” Coróçacüãx 1:14



4. *Ngechuchu ja Cristu nixĩ ga juwa írüdacü.*

“Rü nhuxma na juwa ínadxũ ja Cristu, rü tagutáma wena naju, jerü nüma rü marü juxũ narüjexera.” Rómacüãx 6:9

“Rü guxũma ga duũxũgücax naju ga Cristu, na ngema duũxũgü i nhuxma maxẽxũ, rü tama nümatama nagu namaxẽxũcax, notürü naxĩnüexũgu naxcax namaxẽxũcax ja jimá naxcax jucü rü wena írüdacü.”
2 Corítiucüãx 5:15

Ngechuchu rü nhanagürü: “ —Rü tá pemaxẽ, erü choma rü chamaxũ.”
Juãũ 14:19

5. Rū tanaxwae na Ngechuchuxũ ijaxuxũ na tuxũ 21
nangexmaxũcax i maxũ i taguma gúxũ.

“Rū Cristu rū pewa nangexma i nhuxmax, rū nagagux-
icatama nixĩ i pexũ nangexmaxũ i pechica i dauxũguxũ i
naanewa.” Coróchacüãx 1:27

“Rū ngexguma pewa namaũxgu i Naãxẽ ja jimá Tupana
ga Ngechuchu ja Cristuxũ írüdaxẽẽcü, rū nümatátama wena
nanamaxẽẽ i pexene i juxwaexũ, rū Naãxẽ i Üünexũ i pewa
maxũxũ tá nixĩ inaxũxũ i ngema.” Rómacüãx 8:11

Ngexguma Ngechuchuxũ ijauxgügu rū Naãxẽ
i Üünexũ tawa nangexma.

“Rū jíxema tama tuxũ nangexmaxe i Tupanaãxẽ i Üünexũ i
Cristu tuxna ãxũ, rū tama Cristuarü tixĩ.” Rómacüãx 8:9

Choxũ nangechaũ ja Ngechuchu, norũ Popera chamaa nũxũ nixu.



“Rũ nũma rũ tũxũ
naganagũtanũ ga
guxema buãxta, rũ
tũmaerugũgu naxũ-
mexãcũma nhanagũ-
rũ tũxũ: — ¡Tupana
pexũ rũngũxẽẽx!
—nhanagũrũ.”

Márcu 10:16

Ngechuchu rü nhanagürü: “Chanaxwae i chauxütawa naxĩ 23
i buxügü. ;Rü tãú i nüxna penachuxuxü! Erü Tupana aẽx-
gacü íxĩxüwa rü tümacax nixĩ ja jíxema nhaa buxügürüü ixĩ-
güxe.”
Lúca 18:16

“Penatü ja dauxügücü rü tama nanaxwae na wüxi i nhaa buxü
na ijarütaxuxü.”
Matéu 18:14

**Nüétama ega texé quixĩngu, rüexna ngextácüãx quixĩngux.
Ngechuchu rü cuxü nangechaü rü cuxcax naju. Rü nanaxwae
na nüxü cungechaüxü. Ngexguma naga cuxĩnügu ja Ngechu-
chu rü nüxü cunawex nax nüxü cungechaüxü.**

“Rü ngexguma aixcüma choxü pengechaügu, rü naga tá pexĩ-
nüe i chorü mugü.”
Juáü 14:15

¿Nhuxãcü i Tupanana cungaicamaxũ?

1. ¿Ngechuchugagu Tupanana nangaicama!

“Tupana rü wüxitama nixĩ. Rü ngexgumarüũ ta wüxitama nixĩ i taétüwa chogüxũ. Rü nüma nixĩ ja Ngechuchu.”

1 Timúteu 2:5

“Nüxũ natauxchaxũ nax aixcüma tüxũ namaxẽxẽxũ ja guxãma ja jíxema norü ngüxẽẽmaxã Tupanaxütawa ngugüxe.”

Ebréugü 7:25

Ngechuchu rü nhanagürü: “Rü texé ja choxũ jaxõgüxe rü taütáma tüxũ chaxoox.”

Juáũ 6:37

2. ¿Nüxũ ixu na cupecáduáxũ!

“Rü guxãma tipecáduãxgü rü nüxna tajáxügügü ja Tupana ja tüxũ maxẽxẽęcü.”


Rómacüãx 3:23

3. ¡Nüxũ rüxo i chixexũ!

“Rü nüxũ perüxoe i pecüma i chixexũ na pexũ ínapiãxũcax i perü pecádugü.”
Puracügü 3:19

“Nüma ja Cori rü tamaa jaxna nax-
ĩnü. Erü tama nanaxwae na texé ija-
rütaxuxũ, notürü nanaxwae i gux-
ãma nüxũ rüxoexũ i tümacüma i
chixexũ.”
2 Pedru 3:9

4. ¡Ngechuchumaxã nüxũ ixu
i curü chixexũgü!




26 ;Rü n^haa wújemaũgũgu naxümatü i 1 Juáũ 1:9, rü jima namex ja naátü i 25 gu üxũneétügu ümatüxũ!

5. ;Nüxũ rüxo i curü chixexũgü!

“Rü jixema tümaarü chixexũ icúxe rü taxütáma mexũ tüxũ naxüpetü, natürü jixema nüxũ ixuxe, rü nüxũ rüxoxe, rü Tupana rü tá tüxũ nüxũ inarüngüma.” Ucu^xegü (Provérbios) 28:13

“;Rü nüxna ixũgachi i ngema chixexũ, rü mexũ naxü!”

Wijaegü (Salmos) 37:27



“Ngema Tupana pemaa mecü-maxügagu nixĩ i pexũ nangexma i maxũ i taguma gúxũ jerü pejaxõ. Tupana nixĩ ga pexna naxãmarecü ga jema. Rü tama tacü i mexũ pexũxũcax nixĩ na ngemaãcü taxüema tügü icuaxüxũcax.”

Epéchiucüãx 2:8, 9

6. ¡Ngechuchuãxũ jaxõ! 27

“Ngexguma cuaxmaax nüxũ quixuxgux na curü Cori jixĩxũ ja Ngechuchu, rü ngexguma cuãẽwa cujaxõxgu na juwa Tupana ínadxẽẽxũ, rü tá cuxũ nangexma i maxũ i taguma gúxũ.” Rómacüãx 10:9

“¡Nüxũ jaxõ ja Cori ja Ngechuchu, rü tá cuxũ nangexma i maxũ i taguma gúxũ i cumax, rü guxũ i cupatacüãx!”

Puracügü 16:31

28 7. ;Guxũ i curũ maxũmaxã najaxu ja Ngechuchu
ja Cristu!



Cuwa nangexma na Ngechuchuna cux-
uxũ na curũ maxũwa nangexmaxũcax.
Ngechuchu rũ nhanagürũ: “Rũ dücax,
chama rũ iãxwa changexmaecha. Rũ
ngéma: Tu tu tu nhacharügüecha. Rũ
ngexguma texé choxũ ñnügu rũ chaux-
cax tajawãxnagu, rũ tá tũmaxũtagu
chaxücu. Rũ tũmamaa tá chachibũ rũ
tũma i chamaax.” Apocaríchiu 3:20

“Notürũ guxema najauxgüxe, rũ nüxũ
jaxõgüxe, rũ tüxũ nanatauxchaxẽẽ na
Tupanaxacügü tixĩgüxũcax.”

Juáũ 1:12

Ega chi ũpaacũ taguma cujumüxēgu, rü cunaxwaegu i ngüx-
ēē, rü nhaa nixĩ i wüxi i jumüxē i curü cuaxruũ ixĩxũ:



Pa Chorü Cori ja Ngechuchux,

Moxēxũchi na curúchagu cujuxũ nax-
cax ga chorü pecádugü. Rü nüxũ cha-
rüxo, rü poraãcü changechaũ ga na je-
ma chixexũ chaxüxũ. Rü cuxna naxcax
chaca na guxüguma chorü maxũwa cu-
ngexmaxũ. Rü chajaxõ na cunamexēxũ
i chorü maxũ. Rü cuxũ chajaxu na cho-
rü Maxēēruxũ rü chorü Cori na quixĩx-
ũcax.

Cuégagu, Améũ.

30 Ngexguma chi Ngechuchu curü maxüwa ngexmagu rü cuxü nangexma i maxü i taguma gúxü.


Tupana rü nhanagürü: “Chamatama marü pexna chanaxã i maxü i taguma gúxü. Rü nhaa maxü rü Chaunegagu pexü nangexma.”

1 Juãü 5:11

“Jíxema choxü irüxĩnüxe i chorü ore, rü nüxü jaxóxe ja jimá Chaunatü ja núma choxü mucü, rü tüxü nangexma i maxü i taguma gúxü. Rü Chaunatü rü taxütáma tümamaa nanaxuegu i poxcu.” Juãü 5:24

“Cristu rü pewa nangexma i nhuxmax rü nagaguxicatama nixĩ i pexü nangexmaxü i pechica i dauxüguxü i naanewa.” Coróchacüãx 1:27

Ngexguma nüxü cucuaxgu na Ngechuchu rü marü cuxü nüxü nax inangümaxü i curü chixexügü, rü nüma rü curü Cori rü curü Maxëëruxü na jixixü, rü êcü ;nuxa naxümatü i cuéga rü nhama i ngunexü ngexma naxú!



¡Rü wüxichigü i ngunexũ rü na-
wa nangux i Tupanaarü Ore, rü cu-
rü maxügu namaxã nanguxũ! ¡Rü
cuãëgu naxú i ngema, rü ngema tá
poraãcü cuxũ narüngüxëë!

“Rü guxüma i Tupanaarü Ore i üma-
tüxũ rü nügüãëwatama nanajaxu ga Tu-
pana. Rü ngema Ore rü name na duüx-
ügüxũ namaa ingúexëëxũ, rü namaa jax-
ucuxëgüxũ, rü namaa ijanawexãchixëë-
güxũ, rü namaa nangúexëëxũ na mea
Tupanapewa namaxëxücax.”

2 Timúteu 3:16

32 ¡Ngechuchumaxã idexa ngexũrũxũ i oragumare!

¡Ngechuchuna moxẽ naxã naxcax i guxũma i mexũ! ¡Nũxũ icuaxũxũ naxcax i guxũma i mexũ i cuxcax naxũxũ, rũ naxcax i ngema maxũ i cuxna naxãxũ! ¡Naxcax ína-ca i tacü i cuxũ taxuxũ! ¡Ngechuchuégagu najumũxẽ!

“Rũ ngexguma tacücax nüxna icaxgu, rũ nüma tüxũ naxĩnü i ngexguma norũ ngúchaũ jixĩxgu i ngema naxcax nüxna icaxũ.” 1 Juãũ 5:14

“Name nixĩ i pegücax pejumũxẽgũ.”

Tiágu 5:16

“¡Naxcax pejumũxẽ i ngema duũxũgũ i pexchi aiexũ!”

Matéu 5:44



**Jumüxê ga Ngechuchu norü
ngúexũgüxũ nanguxêẽxũ.**

33

“Pa Tonatü ja Dauxũgucüx, rü aixcüma üü necü quixĩ i cumax. ;Rü núma naxũ na torü ãẽxgacü quixĩxũcax! Rü tanaxwae i curü ngúchaũ na naxü güxũ i duũxũgü i nhama i naanewa ngexgumarüũ i dauxũgüxũ i naanewa na curü ngúchaũ ínaxü güxũrüũ. ;Rü toxna naxã i torü õna i nhama i ngunexũcax ixĩxũ! ;Rü toxũ nüxũ rüngüma i torü chixexũ i taxüxũ ngexgumarüxũ i toma rü tüxũ nüxũ tarüngümaxũrüxũ ja jíxema chixexũ tomaa ügüxe! ;Tãú i tacürü chixexũpewa toxũ cuwogüxũ na tama nagu tajixũcax! Notürü tanaxwae i toxna cudau na tama ngema chixexũ taxü güxũcax. Erü cuma nixĩ i namaa icucuáxũ i güxũma, rü cuporaxũchixũ, rü maxũarü jora quixĩxũ. Rü aixcüma ngemaãcü nixĩ. Améũ.” Matéu 6:9-13

**Nhaa jumüxê rü ngema jaxõgü rü wüxigu tagaãcü nanaxü gü.
;Cuãẽgu naxú!**

**34 Ngema 10 i Tupanaarü mugü rü tuxũ
nanguxẽẽ na nhuxãcü imaxẽxũ.**

İxchiga (Êxodo) 20

*Rü ngema nüxíraxũxũ i 4 i mugü rü tuxũ nanguxẽẽ na
nhuxãcü Tupanaxũ ingechaũxũ.*

1. “Tama chanaxwae i chapewa tacü i tomaax cutupanaãx.”
2. “;Taütáma i tacü cugücax cuxüxchicüna na ngemamaxã
cutupanaãxũcax rü taxütáma tacürü naxchicünapegu cucax-
ápü rü nüxũ quicuaxũxũ!”
3. “;Taütáma chauégamaxã cugü ícupoxũ ega tacürü dora
cuxüxgu!”
4. “Ngema norü 7 i ngunexũgu rü tá icurüngũ, rü nagu tá
choxũ quicuaxũxũ.”

**Ngema nawa jacuáxũ i 6 i mugü rü tüxũ
nanguxẽẽ na nhuxãcü jigü ingechaũxũ.**

35

5. “¡Tüxũ nangechaũ ja cunatü rü cué!”
6. “¡Taũtáma cumáetae!”
7. “¡Taũtáma cuxmaechita nai i ngemaxã cumaxũ!”
8. “¡Taũtáma cungíxtax!”
9. “¡Taũtáma doraxũ quixu i cumücüchiga!”
10. “¡Taũtáma cugüxũ cunangúchaũxẽẽ ja cumücüpata,
rü bai i tacü i noxrü ixĩxũ!”

Ngexguma Tupanaga ixĩnügu rü tórü jumüxẽxũ nangãxũga.

“Rü nüma tá tüxna nanaxã i guxũma i tacü i naxcax íicaxũ erü
naga taxĩnüe i ngema tüxũ namuxũ rü tanaxü i ngema nüma
namaxã nataãẽxũ.”

1 Juáũ 3:22

36 Ngema taxre i mugü i guxũarü jexera ixĩxũ:

1. ¡Tupanaxũ nangechaũ!

Rü nhanagürü ga Ngechuchu: “¡Rü nüxũ nangechaũ ja Cori ja curü Tupana guxũne ja curü maxũnemaax, rü guxũ i cuãẽmaax, rü guxũ i nagu curüxĩnũxũmaax!”

Matéu 22:37, 38

2. ¡Duũxũgũxũ nangechaũ!

“Rü ngema norü taxre i Tupanaarü mu rü nhanagürü: ‘¡Nüxũ nangechaũ i cumücü ngema na cugü cungechaũxũ-rũxũ!’ ”

Matéu 22:39



(1 Corítiucüãx 13:4, 5, 8, 13)

⁴“Rü jíxema aixcüma ngechaũ tüxũ ngexmáxẽ rü jaxna taxĩnü rü tamecüma. Rü tama tixãũxãchiwae, rü tama tügü ticuaxüxũ, rü tama tügüguxica tarüxĩnü. ⁵Rü tama taguxchinü-gawae, rü tama tümaarü mexũcax tadau, rü tama tanuxwae, rü tama nagu tarüxĩnüecha ega texé chixexũ tümamaa üxgu. ⁶Rü tama namaa tataãxẽ i chixexũgü, natürü namaa tataãxẽ i ngema ore i aixcüma ixĩxũ. ⁷Rü jíxema aixcüma tümamücüxũ ngechaũxe, rü jaxna namaa taxĩnü rü guxũguma nüxũ tajaxõ, rü guxũguma mexũgu namaa tarüxĩnü, rü taguma naxchi taxai woo tacü tümamaa naxüxgu i tümamücü.”

38 ⁸“Rü ngema ngechaũ rü tagutáma inajacuax.”

¹³“Rü nhuxma rü nangexma i tamaepux i nacümagü i guxügucax ixixũ. Rü ngema nixĩ:

(1) Rü Tupanaãxũ tajaxõgü.

(2) Rü nüxũ ítananguxẽẽ na natáeguxũ ja Cristu.

(3) Rü nüxũ tacuax na tamücuxũ ingechaũxũ.

Notürü ngema tamaepüxtanüwa rü ngema naétüwa üxũ nixĩ i ngema ngechaũ.”

Tupana rü ngechaũwaecü nixĩ.

“Rü jixema aixcüma ngechaũ tüxũ ngexmáxẽ, rü Tupanaarü duixũ tixĩ, erü Tupana rü tümawa namaxũ.”

1 Juáũ 4:16

**Ngechuchu rü nanaxwae na togümaxã
nүxũ quixuchigaxũ.**

39

(cuchiüwa, rü escolawa, rü tu-
paucawa, rü guxüwama)



**Ngechuchu rü nhanagürü
nүxũ:** “¡Cuchiüwa naxũ rü cu-
tanүxümaxã nүxũ jarüxu i gux-
üma i ngema cuxcax naxүxũ
ja Cori ja Tupana, rü nhuxãcü
nүxũ na cungechaütümүxũ!”

Márcu 5:19

**40 Nhuxãcü nüxũ tacuax i wüxi i duũxũ
i aixcüma Tupanaxacü ixĩxũ.**

“Nacümwawa tá nüxũ pecuax nax aixcüma Tupanaarü duũxügü
ixĩgüxũ.” Matéu 7:20

“Rü jíxema Tupanaãxê tümawa ngexmáxê, rü tangechaxũwae,
rü tataãê, rü tama aigu tarüxĩnü, rü jaxna tümamücümaax taxĩ-
nü, rü tangũxêẽwae, rü tamedcüma, rü Tupanaãxũ tajaxõ, rü ta-
ma tügü ticuaxüxũ, rü tügümaa mea itacuax.”

Gáratanecüãx 5:22, 23

**Jíxema aixcüma Tupanaxacü ixĩxê rü togueãxũ nüxũ
tangechaũ i tümäärü chixexũ i tümamaxã taxüxũ.**

“Rü ngexguma pema nüxũ nüxũ iperüngümüagu i ngema du-
ũxügü i chixexũ pemaa ügüxũ, rü Penatü ja dauxügucü rü tá
ta pexũ nüxũ inarüngüma i perü pecádugü.” Matéu 6:14

“Nai i ngemaa tamaxũ, rü tupanenetachicünagüxũ tic-
uaxüxũ, rü taxüxpewae, rü taxaixwae, rü tanuxwae, rü tachox-
ügawae, rü taxãüãchiwae rü tamáetaewae, rü tangãxwae, rü
peta taxügüecha.” Gárataanecüãx 5:19-21

“Rü jatügu i naxrüü jatüxümaa ngeãëxũ, rü ngítaaxgüxũ,
rü ngema duüxügu i nügünaxica nanuxãchixũ i norü nge-
maxügu.” 1 Corítiucüãx 6:9-10

**¡Ngechuchuna cugü naxã na cuxũ namexëëxücax, rü
Naãë i Üünexümaxã cuxũ napaxëëxücax!**

“Rü aixcüma napewa pime jerü Naãë i Üünexũ rü tórü
Cori ja Ngechuchuégagu marü perü pecáduna pexũ ínan-
guxüxëë.” 1 Corítiucüãx 6:11



(¡Nüxũ nadaumatü i
Lúca 16:19-26!)

¡Rü mea Ngechuchuãxũ
jaxõ, rü Nüma rü Max-
ũarü Poperagu tá nanax-
ümatü i cuéga!

“Rü guxema ingeégaxe
ga Tupanaarü Popera i Max-
üpanewa rü naxtaa ga üxü-
maa ijaurachiünewa tawo-
ũ.” Apocaríchiu 20:15

**Ngechuchugaguxicatama tá nixĩ i
i Tupanaxũtawa ingugũ.**

43

“Chamatama marũ pexna chanaxã i maxũ i taguma gúxũ. Rũ nhaa maxũ rũ Chaunegagu pexũ nangexma.” 1 Juãũ 5:11

“Rũ ngema natanũ na pecádu ixũxũ, rũ ju nixĩ. Notürũ jixema Ngechuchuãxũ jaxõgũxe, rũ Tupana tüxna nanaxãmare i maxũ i taguma gúxũ.” Rómacüãx 6:23

“Rũ jixema Tupana Naneãxũ jaxõxẽ rũ tüxũ nangexma i maxũ i taguma gúxũ. Natürũ jixema tama nüxũ jaxõxchaũxẽ ja Tupana Nane, rũ taũtãma tüxũ nangexma i ngema maxũ i taguma gúxũ.” Juãũ 3:36

Ngechuchu rũ nhanagürũ: “Chama nixĩ i ngema nama i Chauna-tüxũtawa nadaxũ chixĩxũ. Rũ aixcũma nixĩ i ngema ore i nüxũ chixuxũ. Rũ chama nixĩ i duũxũgũxũ chamaxẽxẽxũ. Rũ chaugaguxicatama nixĩ i Chaunatüxũtawa nangugũxũ i duũxũgũ.” Juãũ 14:6



Rü jexguma Juáũ ngoxetügu rü nüma nüxũ nadau ga wüxi ga dauxüguxũ i naane, rü wüxi ga nhama i naane i ngexwaçaxũxũ.

“Rü nüma tá ínanapi i naxgüüetü. Rü taũtáma texé taju, rü texé tangechaũ, rü texé ngechaũgaãcü taxaxu, rü texé ngúxũ tingegü. Erü guxũma i ngema ngúxũ rü marü inajarüxo, rü ¡dücax! choma rü chanangexwaçaxũxẽẽ i guxũma i ãcü ingexmaxũ.” Apocaríchiu 21:4, 5

Juáũ rü nüxũ nadau ta ga wüxi ga ñane ga üünene. Rü jimá nixĩ ja Jerucharéũ ja ngexwaçaxüne, rü Tupanaxũtawa ne naxũ. “Rü nümatama ga guma ñane rü uirunaxcax nixĩ. Rü nhama woruarüxũ nijauracüü. Rü guma nutagü ga itacü ga norü poxeguxüpara ixĩgücü, rü nagúxũraücü ga nuta ga imexẽchicümaa nangaxãẽ.”

Apocaríchiu 21:18, 19

Ngechuchu rü dauxüwa naxü na namexẽẽãx- 45
ũcax ja tümachiũ ja jixema nüxũ jaxõgüxe.

“¡Tãũ i penaxĩxãchiãẽgüxũ i pemax! ¡Tupanaãxũ pejaxõgü rü choxũ rü ta pejaxõgü! Chaunatüxütawa nangexma i mux-
ũchima i nachicagü. Rü ngexguma marü ngéma chaxũxgu
rü wüxi i pechica chamexẽẽxgu, rü wena táxarü núma
chaxũ. Rü pexũ tá chajagagü na ngema nachica i chamatá-
tama nawa changexmaxüwa na pengexmagüxũcax.”

Juãũ 14:1-3

¡Rü togümaa nüxũ ixu i nhaa mexũ
i ore i ngexwaçaxũxũ!

Ngechuchu rü nhanagürü: “¡Guxũ i naanewa pexĩ rü guxũ i
duũxügümaax nüxũ pejarüxu i ore i mexũ!” Márcu 16:15

Tupana rü naxacügümaa inaxuneta:

“Tagutáma cuxna chixũ, rü tagutáma cuxũ íchatax.”

Ebréugü 13:5

“Rü númerü tá norü duïxügü i dauxücüãxũ namu na cuxna nadaugüxücax i ngextá ícuxüxüwa.” Wijaegü (Salmos) 91:11

“Guxügutáma pexütawa changexmaecha nhuxmatáta nagú i naane.”

Matéu 28:20

“¡Rü tãú i cumuïxũ naxcax i ngema ngúxũ i tá quingexũ! Rü chanaxwae i choxũ cujaxõõma nhuxmatáta cujux. Rü chama rü tá cuxna chanaxã i curü ãmare i maxũ i taguma gúxũ.”

Apocaríchiu 2:10

“¡Choxna naca rü chama rü tá cuxũ changãxũ!”

Jeremía 33:3



Guxũma i juexũ rü tá ínarüdagũ.

“Tá ínangu i ngema ngunexũ i nagu guxũma i duĩxũgũ i juexũ rü tá nüxũ naxĩnue i chauga. Rü naxmaũgũwa tá ínachoxũ. Rü ngema mea maxẽxũ, rü tá ínarüdagũ na najauxgũãxũcax i maxũ i taguma gúxũ. Notürü ngema chixexũ ügüxũ, rü tá ínarüdagũ na napoxcuexũcax.”

Juáũ 5:28, 29

Jíxema Cristugu juexe rü tüxíra tá ítarüdagũ. “Rü ngema wena i jixema na imaxẽxũ rü Tupana tá wüxigu caixanexũgu tüxũ nigagũ namax i ngema duĩxũgũ i juewa írüdagüxũ. Rü ngemaãcü tá dauxũgu Ngechuchuxũ tajangaugũ na guxũgutáma naxütawa ingexmagüxũcax.”

1 Techarónicacüãx 4:17

“¡Ipedaue rü pexuãẽgũ! Erü tama nüxũ pecuax i tacürü ora tá íchangu i chamax!” Márcu 13:33



¿Nhuxãcü tá núma naxũ ja Ngechuchu?



“Rü dücax, marü ningaica na caixanexũgu ína-
nguxũ ja Cristu! Rü guxũtáma i duũxũgü nüxũ
nadau.” Apocaríchiu 1:7

**¡Rü pexũãëgü naxcax i ngema Cristugüneta
ixĩgũxũ, rü orearü uruũgüneta ixĩgũxũ!**

“Rü ngexguma texé pexũ nhagũxgu: —¡Dücax!
daa nixĩ ja Cristu —nhagũxgu, rüexna: —gua
nixĩ ja Cristu —nhagũxgu, rü tama name i nüxũ peyaxõgü.”

Matéu 24:23, 26

Ngürüãchimare tá caixanexũgu núma naxũ ja Ngechuchu.

“Erü nhama wüxi i baixbexane i guxũwama nangóonexẽëxũ-
rüũ tá nixĩ i ngexguma wenaxarü núma chaxũxgu i chamax i
Tupana Nane na duũxũxũ chixĩxũ. Rü guxũ i nachiuãanecũãx rü
tá nüxũ nadaugü na nhuxãcü daxũwa ne chaxũxũ. Rü ãëxgacü
ja poraxüchicü rü mexëchicü tá chixĩ.” Matéu 24:27, 30

Tórü Daruũchiga

Wijaegü (Salmos) 23

¹Rü nüma ja Cori ja Tupana rü chorü daruũ nixĩ rü taxuxũma choxũ nataxu. ²Rü mexũ i nachicagu choxũ narüngũxẽẽ, rü mechixũ i natüwa choxũ naga. ³Rü ngexguma chaturaxgu rü choxũ naporaxẽẽama, rü mexũ i namawa choxũ naga na ngemaãcü natachigaxũcax i naéga. ⁴Rü woo tacürü ãücũmaxũ i taxũwa chaxũpetügu, rü taxucaxma chamuũ erü cuma Pa Cori Pa Tupanax, rü chauxütawa cunxexma. Rü jima curü naixmenamaa rü jima curü caxũxüruxũ rü jima nixĩ ja nüxna charüjoene. ⁵Rü mexũ i õna chauxcax cumexẽẽ napewa i chorü uwanügü, rü pumáramaa choxũ cubaeru. Ru ngema chorü axexũpáxũ rü ínanagoxochi erü cunaxũãcuxüchi. ⁶Ngema ñoma i naanewa na chamaxũxũgu, Pa Tupanax, rü guxũguma choxũ cungechaũ ru guxũguma chomaa cümecüma. Rü guxũgutáma, Pa Corix, ru cuxütawa changexmaecha.

Los textos del Nuevo Testamento Ticuna TUPANAARÜ ORE, usados con permiso de La Liga Bíblica, 16801 Van Dam Road, South Holland, IL 60473, Las Sagradas Escrituras Para Todos.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

Gratis – No debe venderse

